

षष्ठोऽनुवाकः ।

राज्ञी॑ वि॒राज्ञी॑ । स॒म्राज्ञी॑ स्व॒राज्ञी॑ । अ॒र्चिः शोचिः ।
 तपो॑ ह॒रो भाः । अ॒ग्निरिन्द्रो॑ वृ॒हस्पतिः॑ । वि॒श्वे दे॒वा
 भुव॑नस्य गो॒पाः । ते मा॒ सर्व्वे॑ यश॑सा स॒सृजन्तु॑ ॥ १ ॥
 राज्ञीन्द्रो॑ मा स॒प्त ॥ अनु० ६ ॥

सप्तमोऽनुवाकः ।

अस॑वे स्वा॒हा वस॑वे स्वा॒हा । विभु॑वे स्वा॒हा विव॑-
 स्वते॒ स्वाहा॑ । अ॒भिभु॑वे स्वा॒हाधि॑पतये स्वा॒हा । दि॒वां
 पत॑ये स्वा॒हा॒हस्प॒त्याय॑ स्वा॒हा । चाक्षु॑ष्म॒त्याय॑ स्वा॒हा
 ज्योति॑ष्म॒त्याय॑ स्वा॒हा । रा॒ज्ञे स्वा॒हा वि॒रा॒ज्ञे स्वा॒हा ।
 स॒म्रा॒ज्ञे स्वा॒हा स्व॒रा॒ज्ञे स्वा॒हा । श्रू॒षाय॑ स्वा॒हा सू॒र्याय॑
 स्वा॒हा । च॒न्द्रम॑से स्वा॒हा ज्योति॑षे स्वा॒हा । स॒सृ॒षाय॑
 स्वा॒हा क॒ल्याणाय॑ स्वा॒हा ॥ अ॒र्जु॒नाय॑ स्वा॒हा ॥ १ ॥
 क॒ल्याणाय॑ स्वा॒हैक॑ञ्च ॥ अनु० ७ ॥

अष्टमोऽनुवाकः ।

वि॒प॒श्चिते॒ पव॑मानाय गायत । म॒हीन॑धारात्यन्धो
 अ॒र्षति॑ । अ॒हिर्ह॑जी॒र्णाम॑ति॒सर्प॑ति॒ त्वच॑म् । अ॒त्यो न क्री॑-